

#### Universitätsbibliothek Paderborn

## Theologia Moralis Universa, Complectens Omnia Morum Præcepta, Et Principia Decisionis Omnium Conscientiæ Casuum, Suis Quæque Momentis Stabilita

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus Theologicis, de Religione, & Beneficiis. Adjunctis in hac editione Propositionibus ad hanc usque proscriptis

Antoine, Paul-Gabriel Ingolstadii, 1734

VD18 90392140

Cap. III. De Voto.

urn:nbn:de:hbz:466:1-40986

546 MOTRACTATUS

## CAPUT III.

De Voto.

Q. 1. Quid est Votum?

Resp. Est promissio deliberate facta Deo de bono meliori, & possibili. Dixi, Deo facta; nam Votum est actus Latria, soli Deo debitus in testificationem supremæ excellentiæ Illius, ùt Authoris bonorum omnium, vel in fignum gratitudinis debitæprimo, ac supremo Benefactori.S Thom. 2.2. q. 88. a. 5. ad 3. ubi ait, quòd Votum factum Sanctis sic intelligendum sit, ut ip-Sa promissio facta Sanctis vel Pralatis, cadat sub voto materialiter, in quantum Scilicet home vovet Dee, se impleturum, quod Sanctis, vel Praiatis promittit. Quare promissio facta Sanctis est solum materia voti, & ut sit proprie Votum, debet ei adjungi tacitè, vel expresse alia promissio, qua promittimus Deo, nos id facturos, quod promittimus Sanctis: alias promisho pertineret solum ad Duliam.

Q. 2. Quanam requiruntur ad volorem Voti?

Resp. Ex communi sequentia. 1. Volitio se obligandi; nam nemo sponte suscipit

DE VIRTUTE RELIGIONIS. pit obligationem fine voluntate se obli-Neque enim ad Votum sufficit propositum quantumvis firmum, ex cap. 3. De vote, ubi dicitur, in metu mortis proponens animô, quòd religionis habitum esset aliquando suscepturus, si plus non est in voto processum, transgressorem judicari non posse, si non impleat, quod dixit. Nam propositum est simplex voluntas faciendi, vel omittendi aliquid: promissio verò superaddit voluntatem se obligandi alteri. At ex eo, quòd voluntas proponat aliquid, non hoc ipso vult se obligare, & obligatur. Sufficit autem intentio virtualis, & implicita se obligandi, ùt cùm quis sciens vorum obligare, deliberate vovet, licet de hac obligatione actu non cogitet: vel ignorans voti naturam, vult tamen votum facere, prout in se est, aut solitum est fieri, seu facere, quod alii faciunt, dum vovent; nam tune virtualiter, & implicite se obligare vult, Idem dic de eo, qui recipit Ordinem sacrum, ignorans illi annexum esse votum castitatis; nam qui vult statum aliquem, vult virtualiter, & implici-Neque requitè onera, illi statui annexa. ritur, ut dicatur expresse : promitto: Voveo; me obligo, &c. Sed satis est, quòd hoc dicatur æquivalenter, & implicité, etiam interiùs. Ut si dicas cum intentione te obligandi, Domine redde mihi sanitatem, o vivam safte: vel a convaluero, dabo Mm 2

dabe talem eleemosynam. Econtra Verbum promitto, nisi adsit intentio vovendi, significat simplex propositum, ut pater in actu Contritionis, quo aliqui promittunt

fugam peccati, nec tamen vovent.

2. Advertentia, & deliberatio, qualis fufficit ad culpam mortalem directé voluntariam: quia votum est actus simpliciter humanus, in se liber, tanquam in hominis arbitrio de se relictus, ex Cap. 6. de Voto, ubi dicitur, quòd universis liberum sit arbitrium in vovendo. Deinde nemo censetur sibi obligationem ex genere suo gravem imponere, nisi plenè advertat, quid agat. Quare siquis ex subito animi motu, linguà mentem præveniente, dicat:

Talis autem deliberatio sufficit ad votum; nam deliberatio, quæ sufficit ad ligandum se reatu æternæ damnationis, suf ficit etiam ad se ligandum Deo vinculo

promissionis.

Item valet votum temerè, & imprudenter, imò & illicitè, putà cum inani gloria factum, modò finis malus non redundet in ipsam materiam. Nam ad valorem voti sufficit, ut sit de re meliori, & possibili: & fiat cum sufficienti cognitione, ac libertate. Hinc patet omnes, & solos rationis usupraditos, & sufficientis deliberationis capaces posse vovere in materia fibilicita, ex e. 2, De Voto.

3. Requiritur, ut promissio sit voluntaria. Nam votum eit actus moralis ac liher, quo Deus colieur. Quare nullum est votum factum ex errore circa rei promissæ substanciam; cum ralis error impediat, ne objectum sit cognitum, ac proinde, ne sit volicum. Idem die de voro simplici. facto ex errore circa causam finalem; quia cenletur factum sub tacita conditione : si causa finalis sublistat, & quia sublato motivô volendi, non est volitie. Hinc si voveris je unium pro salute Patris, quem fallo putabas agrotare, non valet votum. At valer votum, si error sit dantaxat circa aliquam circumftantiam non mutantem notabiliter rem promissam, de si veveris castitztem, salsò purans esse servatu facilem: vel circa causam solum impultivam, ue si voveris dare eleemofynam Petro pauperi præaliis, quia falsò puras esse pium; nam talis error non impedit consensum absolutum circa substantialia. Votum verò solemne non irritatur per errorem, vel dolum circa motivum extrinlecum: tum quia per illum non irritatur matrimonium carnale, ergo nec spirituale cum Christo: Tum quia qui statum aliquem assumit, censetur velle absolute illum assumere, etiamsi intercedat error vel dolus, qui non sit circa fubstantialia.

Item juxta communem metus gravis injuste incussus ad extorquendum vo-Mm 3 tum,

tum, irritat quodvis votum, vel jure naturali; cò quòd Deus non acceptet vota injuriosè extorta, cum nemo probus promissionem sibi tali modo factam acceptaret, & ne det occasionem injustæ coactioni: vel saltem jure Canonico ex Cap. 1. De sis, qua vi, &c. Nam licet ibi agatur so. lum de Susceptione, & Professione Religio. nis, tamen sic receptum est, ut etiam extendatur ad votum simplex, ita ut saltem usu & consuctudine vota quælibet ex metu gravi facta, irrita fint. Sed quia hoc non est omnino certum de votis simplicibus; nam Suarez & alii diffentiunt: ideoin praxi tutior pars est, vel votum servare, vel petere dispensationem. Porro certum est valere votum etiam solemne, factum ex metu sponte suscepto, ut naufragii, mortis, poenæ æternæ, &e. cap. 17. de Regulari: vel ex metu juste incusso; quia tune votum est simpliciter voluntarium, & nulla intervenit injuria. Valet etiam quodvis votum ex metu levi, etsi injuste incusso; quia non irritatur ab Ecclesia, & est sufficienter voluntarium: sibsque vovens imputare debet, quòd tali metui cesserit.

4. Ut sit de meliori bono, id est de co, quod omnibus spectatis ad salutem utilius, & Deo gratius est, quam oppositum: quia votum debet esse gratum Deo, cum sit actus, quo colitur: & promissio seu pollicitatio, alteri oblata, non parit obligatio-

nem,

nem, nisi ab eo acceptetur: at non potest Deo placere nec ab eo acceptari voluntas se obligandi ad relinquendum id, quod melius est, & ipsi gratius. Imò hoc est illicitum, & contra reverentiam Deo debitam, quia offertur ei aliquid, quod ei placere nequit: quod est illi quodammodo illu-

dere, nisi ignorantia excuset.

Hinc invalidum est votum 1. De Matrimonio contrahendo, quia melior est Cxlibatus. Si tamen Matrimonium judicaretur remedium voventi necessarium ad vitandam incontinentiam, juxta multos valeret votum, quia melius est nubere, quam uri. 1. Cor. 7. Idem dicunt, siquis voveret pauperculam vel perditam uxorem ducere. 2. De re illicita, que promissio est mortalis contra Religionem, ob gravem irreverentiam contra Deum; nam promittere Deo rem ipsi ingratam, est ei minari, Idque juxta Suarez Lessium, Reginal, etiamsi res illa sit solum venialiter mala, & ut talis cognoscatur à vovente; quia est facto attribuere Deo approbationem peccati saltem venialis, & innuere, Deo placere peecatum, eóque coli : quod est graviter injuriosum Deo, & directe repugnat ejus summæ sanctitati, ac bonitati. 3. De re optima, sed ad obtinendam rem malam, vel ad gratias agendas pro re mala obtenta, v. g. vindicta, non autem præcise pro bono effectu secuto ex peccato. Nam Deus non Mm 4

non acceptat aliquid, ut sit auctor peccati, & illud promoveat, vel in gratiarum actionem pro eo, quali fuerit auctor peccati; nam esse authorem peccati, etsi venialis,repugnat bonitati, ac sanctitati divinæ. Valet tamen votum de actione bona sub conditione turpi adjecta in ejus odium, ut de eleemosyna danda, si peccaveris; quia quod directe promittitur, est bonum melius, & ordinatur ad actum bonum, nempe in odium,& vindictam peccati, si committatur. 4. De re, quæ omnibus spectatis est indifferens: nam nil confert ad cultum Dei, nec ei placet. Imò tale votum est cultus vanus, ac superfluus, ideoque peccatum saltem veniale. Ut autem res indifferens fiat honesta, debet non solum referri ad finem honestum, sed etiam ex se, vel excircumstantiis esse apta ad finem illum consequendum. Cum relatio extrinseca rem non immutet. Igitur superstitiosum & nullum est vocum non edendi capita animalium in honorem S Joannis Baptista, vel carnes assas in honorem S. Laurentii. Porro executio voti illiciti continet eandem malitiam, quam ejus emissio; quia executio ex obligatione voti, est voti facti approbatio.

& illusoria esset promissio rei, que præstari non posset: & nemo obligari potest ad impossibile. Hine irritum est votum nun-

quam

quam peccandi venialiter, etiam cum deliberatione imperfecta. Nam hoc ita impossibile est in hac vita cum auxiliis ordinariis, ut nunquam vitentur omnia peccata venialia sine speciali privilegio, ex Trid. Sess. 6. can 23. Votum autem requirit ut, quod promittitur, prævideatur esse faciendum, & sieri posse moraliter. Docent tamen, valere votum nunquam peccandi ex proposito, & perfecta deliberatione; quia hoc est possibile cum divina gratia absque privilegio: & tale votum à viris sanctis, & doctis quandoque factum legimus.

6. Ut vovens non fit jure positivo in-

habilis ad vovendum.

Not. Laudabiliter posse voveri Deo aliquid, ad quod jam obligamur, & per cals votum novum vinculum induci est omnino certum, inquit Lessius, tum ex perpetuo usu Ecclesia, ubi vovetur non solum abstinentia à nuptils, sed etiam abstinentia ab omni voluptate illicita extra matrimonium, quæ omnibus est præcepta. Tum quia opera præcepta sunt Déo gratissima: ergo possunt illi promitti, & hæc promissio novam obligationem affert; nam debitor potest fe pluribus nominibus ad idem obstringere, sicut creditor pluribus ritulis potest idem exigere à debitore : sed violatio talis voti duplicem habet malitiam, unam contra præceptum, & alteram contra religionem ob votum.

Mm 5

## Q. 3. Quotuplex est Votum?

Resp Dividitur 1. In reale, personale, & mixtum. Votum reale est, quo promittitur pecunia, vel res pretiô æstimabilis, qua actio voventis non sit. Personale est, quo promittitur actio personalis, aut omissio ipsius voventis, ut votum castitatis. Mixtum est, quo promittitur & actio, vel omissio personalis, & aliquid pretio aestimabile ab ea distinctum, ut si voveas ire ad B. V. Laureranam, ibique munus offierre. 2. In temporale, quod est ad certrum tempus : & perpetuum, quod censetur heri, com nullus est obligationi constitutrus finis, ùt si dixeris, voveo deinceps castitatem. 3. In absolutum, quod fit sine conditione: & conditionatum, quod fit sub aliqua conditione : v. g. voveo eleemosynam, si pater convaluerit : unde non obligat nisi posita conditione; sed ea posità statim obligat; quia obligatio desinit esse suspensa. Porro nullum est votum, factum sub conditione repugnante natura, & substantiæ voti, vel rei promissæ, ut si profitearis religionem, ea conditione, ut aliquid proprium retineas. 4. In solemne, quod ab Ecclesia approbatum, & absolute ac in perpetuum acceptatum est: & simplex, quod emittitur absque acceptations Ecclesia, saltem in perpetuum.

Q. 4. An, quomodo, quos, & quando votum obligat?

Resp. I. Obligatio voti ex suo genere gravis est, ita ut ejus violatio in materia gravi sit mortalis. Ita omnes. Constat. 1. tum ex Psal. 49 ... Redde altissimo vota tua. & Eccles. 5. Si quid vovisti Deo, ne moreris reddere: displicet enim ei infidelis, & stulta promissio: sed quodeunque voveris redde: Et 1. Tim. 5. de viduis, quæ continentiæ votum violaverant, dicitur. Habentes damnationem, quia primam fidem irritam fecerunt. 2. Ex Traditione & sensu Ecclesiæ. 3. ex cap. 6. de voto. Licet universis liberum sit arbitrium in vovendo, usque adeò tamen solutio necessaria est post votum, ut sine proprio salutis dispendio alicui non liceat resilire. 4. Quia hec obligatio pertinet ad gravissimam virtutem Religionis, qua quis tenetur reddere Deo obsequium promissum, & ab eo acceptatum; ideoque specialiter ipsi debi-Maxime debet homo Deo fidelita. tem, tum ratione dominii, tum etiam ratione beneficii suscepti: & ideo maxime obligatur homo ad hoc, quod impleat vota Deo facta. Hoc enim pertinet ad fidelitatem, quam homo debet Deo. Fractio autem voti est quedam infidelitatis species: unde Salomon rationem assignat, quare finst

医血 動都 西面 医医 图 级

sint vota reddenda: quia displicet Desinfidelis promisso. ait. S. Thom. 2. 2. 9.88. a. 3. Præterea violatio fidei Deo datæ in re gravi continet gravem irreverentiam in Deum, propter summam ejus majestatem.

Materia autem illa voti est gravis, de qua posser dari præceptum sub mortali ob. ligans: seu quæ per se, vel ex circumstantiis notabiliter conducit ad honorem Dei, vel spiritualem utilitatem voventis. Hinc qui semel non implet votum jejunandi, confitendi, vel audiendi Sacri &cc. Peccat mortaliter; cum hæc materia gravis fit, & sufficiens ad mortale in præcepto Ecclesiae.

Votum tamen, ex communi, aut fere communi sententia obligat solum sub veniali in re levi; quia votum est quædam lex privata, quam quis sibi imponit, & species quædam pacti : lex autem, & pactum non imponunt obligationem nili proportionatam materia. Deinde omissio sidelitatis, & justiciæ in re parvi momenti non censetur gravis injuria, & offensa. Prætereares ex omni parte levis non est capax obligarionis gravis: nec pender à voluntate hominis obligationem gravem alligare rel, quæ non est capax illius. Nec Deus videtur acceptare talem obligationem irrationabilem. Unde qui vovisset singulis diebus anni dare unum assem pauperibus, peg-

peccaret solum venialiter semel, aut bis omittendo. Secus si decrevisset non implere votum, quia materia talis voti col-

lective lumpra gravis est.

Porro quamvis aliqui putent voventem posse in re gravi se obligare solum sub veniali, si expresse velit; (exceptis votis statûs religiosi, quæ sunt per se vota graviter in perpetuum obligantia, & nisi Ecclesia aliter statuerit :) tum quia, cum obligatio voti voluntariè assumatur, pendet à voluntate voventis, nec ex lege divina oritur, nisi dependenter à voluntate promittentis: tum quia votum est lex privata, quam vovens libere sibi imponit: Legislator autem potest in materia gravi velle tantum obligare sub veniali: Tamen constat voventem rem gravem obligari sub mortali, nisi expresse voluerit se obligare solum sub veniali; nam quisque censetur se accommodare capacitati materia, & usui communi, nisi conster aliud expresse intendiffe.

Cæterum violatio voti, præter malitiam irreligiosæ persidiæ, & insidelitatis erga Deum, involvit desormitatem sacrilegii, saltem secundum quamdam eminentiam: quia per voti violationem id, quod suit Deo per promissionem dicatum, ei dene-

gatur.

Resp. II. Quando non constat de alia speciali voventis intentione, non aliter obli-

西 斯 都 道 風 道 隆 雅 遗

obligat votum in quavis materia, quam si esset Lex de care à Deo, vel ab Ecclesia lara; quia votum est quædam Lex, quam homo sibi imponit circa materiam illam promissam: imò fit communiter juxta hanc intentionem. Hinc votum jejunandi, audiendi Sacrum obligat ad modum præcep. ti Ecclesiastici de eadem re; ideoque codem modo servandum. Er vovens excufatur à talis voti impletione in iis circumstantiis, in quibus excusaretur à pracepto Ecclesia, nisi contrarium expresse, vel virtualiter intenderit.

Resp. III. Ex commui votum personale solum voventem obligat, nec per alium impleri potest; quia res promissa est propria actio, vel omissio voventis, non alterius. Hinc si non possit illud per se exequi, non tenetur alium substituere, nisi id expressè intenderie. Votum verò reale obligat voventem ad persolvendum per alium de propriis bonis, si per se ipsum implere nequeat; quia res promissa est bonum temporale voventis, quod potest ejus nomine per alium tradi. Item hæredes, secundum omnes, tenentur exequi vota realia Defuncti secundum vires hæreditatis, salva legitima hæredis necessarii, ex cap. 6. De testam. & 1. 2. ff. De pollicit. nam hæres debita bonis annexa solveretenetur ex justicia, ratione rei accepta cum tali onere, & ex contractu implicite inito per

per acceptationem hæreditatis: hæreditatem enim adeundo, sicut commoda ejus & omnia jura Defuncti acquirit, ita etiam debita, & onera realia bonis annexa in se suscipsi sure debita. Bona autem Deo promissa, sunt ipsi speciali jure debita. Quod si sint plutes hæredes, quisque tenetur prorata, juxta portionem hæreditatis, quæ ei obtigit, nisi res debita, & legata possideatur ab uno, vel obligatio sit individua.

Idem est de voto mixto quoad partem, qua personale est, ac de voto personali: & quoad partem, qua reale est, ac de voto reali; cùm sit verè personale quoad unam partem, & reale quoad aliam. Hinc obligat hæredes non qua parte personale est, sed qua parte est reale: ùt si quis peregrinationem, & statuam argenteam, vovit, tenetur hæres ad statuam dandam, non item

ad peregrinationem, nisi eam promiserit, aut hac lege hæres institutus suerit.

Qui autem vovit factum alterius, tenetur curare, quantum potest, ut alter impleat: hoc enim censetur intendisse. Iste alter tamen nullatenus ad id tenetur, nisi
consenserit; nam votum obligat eum solum, qui promisst. Hinc liberi non obligantur votis parentum, eos religioni devoventium, nisi ea rata habuerint, cap 14.
de Regular. Si verò populus vovit Festum,
vel jejunium consentiente Episcopo, ad
hoc tenentur posteri non vi voti, sed ex præcep-

## TRACTATUS

cepto Episcopi approbantis, & ita implicitè præcipientis illud Festum, aut Jejuni, um.

Resp. IV. Impleri debet votum tempore à vovente præfinito; nam promisitrem tali tempore, unde illam tunc reddere tenetur. Hine qui vovit jejunium tali die, peccat mortaliter, si eo die non jejunet, perinde ac si die ab Ecclesia statuto nonjejunaret, quamvis proponeret alio jejunare. Quod si ex impotentia, vel negligentia votum tempore præfinito non impleatur, debet postea impleri, nisi ex intentione voventis, aut voti natura res promissa sit affixa certo diei in devotionem illius, obhonorem Sancti, vel mysterii, cujus tuncmemoria celebratur: ut si quis voverit jejunium vigilià alicujus Sancti principalicer in illius honorem; tunc enim obligatio cum die extinguitur; quia tunc intentio fuit se obligandi ad actum hoc temporesaciendum, non alio: & res promissa est dependenter ab hoe tempore, ac per modum unius. Quando autem tempus non iphus temporis intuitu, & devotione constitutum est, censetur adjici ut terminus non ad finendam obligationem, sed ultra quem non fit differenda; & sie statim postea impleri debet. Nam cum voveris non ultra eam diem differre, es semper in mora differendo, & teneris semper implere: quia perseverat debitum quoad substantiam, du-

duásque obligationes contraxisti, unam faciendi opus, alteram faciendi tali tempore: unde hac non impleta, manet illa princi-

palior, quæ semper urget.

Si verò nullo definito tempore absolute voveris, teneris votum exequi, quamprimùm commodè, & rectè potes judicio prudenti. Nam statim moraliter loquendo exigitur à Deo, ex Deut. 23. Cum votums voveris Domino, non tardabis reddere; quia requiret illud Dominus. Et si moratus fueris, reputabitur tibi in peccatum. Et Eccles. 5. Si quid vovisti Deo, ne moreris reddere. Deinde res absolute, & sine dilatione promissa statim debita est, ex l. 14. ff. de Reg. Fur. In omnibus obligationibus, in quibus dies non ponitur, prasenti die debetur. Igitur culpabilis est omnis mora, quæ rationabili causa non cohonestatur. Non est tamen continuò mortale differre ad valde breve tempus, modò votum brevi postea persolvi queat. Nam potest esse materiæ parvitas in mora illa, sicut in aliis rebus. Hæc omnia communem doctrinam continent. Porro fi votum fuerit negativum, seu de omissione, toties peccatur, quoties fit actio omittenda: quia votum illud instar præcepti negativi obligat pro toto tempore, pro quo factum est, & omnis omnino omissio promissa est.

Tom. I.

Nn

Sed

762 TRACTATUS.

Sed an vovens votum implere ante tempus à se prefinitum tenetur ob impedimentum futurum?

Resp. I. Quando opus vovetur ut proprium onus certi diei, seu temporis, ex communi non tenetur vovens prævenire, etiamsi prævideat impedimentum pro illo die; quia non vovit actum, nisi tali die faciendum; unde ante illum non obligat votum. Idem dic, quando terminus, seu dies additur non solum ad differendam exe. cutionem, sed etiam ad suspendendam obligationem usque ad talem terminum; quia res non est promissa ante illum, nec vovens intendit se obligare, nisi ex tali die.

Resp. II. Quando terminus solumponitur ad differendam solutionem, & non ad suspendendam obligationem, tunc ex communi vovens tenetur votum persolvere ante terminum, si prævideat impedimentum pro illo futurum; quia tunc votum statim, ac fit, obligat absolute, ut intraterminum designatum opus siat. Unde obligat determinate pro illo toto tempore, pro singulis verò partibus quasi disjunctive. Et ideo vovens tenetur absolute implere votum in aliqua parte hujus temporis: ergo si prævidet futurum esse impedimentum in posteriori parte temporis, tenetur in priori facere: quod est prævenire terminum. Et alioqui contra promissionem dilatio fieret ultra tempus præfinitum. Item licèt terminus temporis sit constitutus ad finiendam solutionem, si opus promissum non est proprium onus alicujus determinatæ partis totius temporis usque ad illum terminum, tenetur vovens implere votum ante terminum illum, si ante illum impedimentum prævideat: ut fiquis vovic jejunare sex dies mensis, non designando illos, limitando tamen obligationem ad Mensem, ita ut cum illo extinguatur in omni eventu, tune si prævideat futurum, ut post primum diem mensis jejunare nequeat, tenetur in prioribus diebus totum votum implere, & ira prævenire terminum; quia tune totum tempus mensis est tempus absolutæ obligationis, quæ debet impleri in parte ejus possibili. Quæ omnia confirmantur exemplo præceptorum, v. g. confitendi singulis annis. Ita Suarez, addens teneri voventem in omnibus casibus vitare impedimentum, ut votum suum tempore promisso impleri possit; nam votum obligar saltem implicité ad non ponendum impedimentum, cum hoc sit necessarium ad implendam rem expresse, ac directe promissam: alioqui obligatio voti esset inessicax, & inanis.

Q. 5. Quid dicendum in dubio circa votum? Resp. Sequentia. 1. Nullus tenetur vo-Nn 2

u

5

ß

e

tô, de cujus emissione dubitat, si post diligens examen nulla ei appareat probabilis conjectura, quòd votum illud fecerit; quia obligatio voti, quæ voluntarie suscipitur, fine rationabili fundamento, adeoque irrationabiliter, affirmaretur. Nemo autem tenetur obligatione, qua nullo fundamento rationabili nititur. 2. In æquali utrimque probabilitate votum servari debet. Ita Azor, Vasquez, Thyrsus Gonzal. &c. Quia tune non potest prudenter negari, votum factum fuisse. Deinde in dubiis tutior pars eligi debet : alioquin talis se exponeret periculo peccandi; nam cum deturLex certa non violandi votum, hoc ipfo, quòd dubitet, an voverit aliquid, dubitat, an illud omittendo, violet eam legem, ideoque peccet. Qui autem agit dubius, an peccet, se committit perículo peccandi, & reipfa peccat. A fortiori tenetur voto, qui sciens se post septennium vovisse, dubitat, an habuerit incentionem se obligandi, vel sufficientem advertentiam. præsumitur factus, ùt fieri solet, ac debet: nisi contrarium constet: & res in dubio judicari debet à communiter contingentibus. 3. Certus de voto, sed dubius de solutione, tenetur illud implere; nam debito certo non satisfit nisi per solutionem certam. 4. Quando solum dubitatur de quantitate, vel qualitate rei promissæ, votum explicandum est secundum voventis

intentionem, ultra quam non obligat, ex Deuter. 3 Facies sicut promissifi. Domino, & propria voluntare, & ore tuo locutus es. Ivam (ut ait S. Thom. 2, 2, q, ult. a. 4.) Obligatio voti ex voluntate procedit. Nam vovere voluntatis est, ut Augustinus dicit: in tantum ergo fertur obligatio voti, in quantum se extendit voluntas, & intentie voventis. Si de intentione non constet, elicienda est ex conjecturis, ex materia, & præsertim ex fine, quem in voto spectavit; nam causa finalis, seu ratio volendi est mensura rei volitæ. Et si his inspectis adhuc dubium manet, votum explicandum est secundum communem, & usitatam verborum, quibus usus est, acceptionem; nam quisque censetur velle facere, quod verbis in sensu usitato acceptis indicat. Quod si non recordetur verba, quibus usus est, eligi debet pars tutior. Si dubitet, quo modo se in vovendo habuerit, debet tutiorem viam eligere, ne se discrimini committat: ait S. Thom, in 4. dist. 38. q. I. a. 2. ad 6.

Q. 6. An votum fictum, seu exterius factum sine animo vovendi, vel se obligandi, peccatum est?

Resp. Aff. Quia illa fictio, seu simulatio est mendacium aliquod, & vana usurpatio nominis Dei, continens irreverentiam con-Nn 3 tra

UNIVERSITÄTS-BIBLIOTHEK PADERBORN

超级重要超级

1-

n

a

2

n

11

10

S

0

n

fra Deum. Seclusis autem contemptu, scandalo, injuria, non esse per se mortale docet Suarez: quia, inquit, velle præcisè proserre verba vovendi sine volitione vovendi, non est gravis irreverentia, ac injuria Dei; & sictio non est respectu Dei, sed tantum respectu hominum, quibus per illam potest sieri injuria levis. In votis tamen solemnibus, vel quæ siunt in assumptione Status Religiosi docet, sictionem esse mortalem; quia in ea sit injuria gravis Religioni, & consequenter etiam Deo, & Ecclesæ, & vix separari potest à gravissimo scandalo.

## Q. 7. Quot modis tollitur obligatio

Resp. Ex communi his. 1. Cessante causa sinali, ob quam factum est; nam cessante causa cessante causa cessante causa sinali desicit intentio voventis, utpote desiciente proprio, ac principali motivo: & vovens non censetur voluisse promittere, & se obligare, illa cessante. Ut si jejunium per mensem voveris ad obtinendam sanitatem Patris, si hic moriatur, desinis obligari.

2. Materiæ desitione, vel mutationenotabili, út si res promissa, antea honesta, siat turpis, vel indisserens, vel impeditiva majoris boni, ratione novæ circumstantiæ,

aut prohibitionis, vel si siat impossibilis. Nam votum est essentialiter de bono me liori, & possibili. Item quando non potest servari sine gravi periculo mortis, vel gravis damni in bonis temporalibus, in Statu, vel honore, quod sit accidentarium voto, niss constet ex natura voti, vel aliter voventem voluisse se in tali eventu obligare. Nam in tali casu materia non est eadem, nec voventes intendunt communiter tunc se obligare. Neque tunc est obligatio præstandi aliquid aliud loco rei promissæ; quia votum non obligat ultra intentionem voventis, quæ non est obligandi se ad aliud, quam ad id, quod vovet, nisi illud fuerit in hoc inclusum saltem virtualiter. At voti obligatio non cessat ob difficultates postea obveniences, quas si vovens prævidiffet, non vovisser: nam ut notat Lessius, multi castitatem vovent, & Religionem profitentur, qui tales postea tentationes, ac difficultates patiuntur, quas si prævidissent, vovere noluissent : & tamen omnium judicio non ideo definunt teneri voto. Hæc enim omnia præcogitari poterant, ac debebant. Quod si non fecerint, sibi imputent, & media idonea adhibeant ad hoc, ut votum implere possint. Votum quippe obligat secundum mentem, quam vovens reipsa habuit explicité, vel implicité, dum vovit, & secundum communem usum, ac sensum prudentum. Quare voti, vel juramen,

menti obligationem non tollitid, quod si antea accidisset, vel prævisum fuisset, impediret, ne heret: sed requiritur mutatio ita notabilis, ut faciat quasi aliud objectum, ad quod voventis intentio prudenter ex circumstantiis præsumatur se non extendisse.

ti

r

fi

æ

C

3. Irritatione, dispensatione, vel commutatione.

4. Defectu conditionis positæ, si votum sit conditionatum; quia vovens noluit se obligare, nissi conditione illa posita, & res non est promissa nissi sub illa conditione, ac proinde eam præstandi obligatio suspensa est, donec impleatur conditio, qua posita sit absoluta.

Si vovens voti conditionem honestam per dolum, fraudem, vel minas impediat, peccat contra votum, & eo remanet obligatus; nam votum sub conditione aliqua honesta factum obligat ad rem promissam implendam, sub conditione illa, quæà vovente non sic impediatur: ideóque etiam ad illam non sic impediatur: ideóque etiam ad illam non sic impediendam, alioqui este illusorium. Unde si vovens impediat per vim, dolum, fraudem, vel minas, peccat, & voto tenetur, perinde, ac si conditio evenisset. Ita Sanchez, Azor & alii multi apud illum.

Sed quid si materia voti fiat impossibilis solum quoad aliquam partem, vel modum?

Resp. Tunc si commodè talis materia dividi

經過重量程度

n

n

a

1

1

i

vidi possit, & soleat, vovens tenetur ad eam partem, quam potest; quia censetur partes illas divisim promissie; nam voluntas censetur ferri in objecta secundum eorum naturam, & communem ufum, nisi conster, oppositum expresse intendisse. Hinc sinon potes dare pauperibus centum, quos promissiti, teneris dare decem, quos potes. Si verò res promissa dividi nequeat, aut non foleat, ad nil teneris: ùt si voveris adificare Ecclesiam, & postea non habeas pecuniam sufficientem, nisi ad ponenda fundamenta, ad nil teneris; quia partes Ecclesiæ non divisim, sed collective, tanquam unicum objectum, censeris promisisse, nisi

contrarium expresse intenderis.

Quid si actus non possit sieri solum quoad circumstantiam, seu modum, qui non fuerit intentus principaliter, nec ùt conditio necessaria ad obligationem substantialem: tuncres promissa implenda est quoad substantiam; quia tunc substantia actus fuit principaliter, & absolute promissa: circumstantia verò, seu modus ùt aliquid accessorium: principale autem non debet impediri per defectum accessorii. Sic qui vovit jejunium in pane, & aqua, & potest solum servare jejunium ordinarium, ad hoc tenetur; nam jejunium quoad substantiam principaliter vovit, modum verò illum in pane, & aqua solum accessorie. Secus, siquis non vovit substantiam actus, nisi de-

Nns

pendenter à tali modo, qui nequeat servari, ùt sæpe sit, cùm modus ille notabiliter minuit dissicultatem actus; nam tune intentio actum faciendi non est absoluta, sed cum tali conditione, qua sublata cessat intentio se obligandi, ideò que obligatio: ut si vovisti ire Romam equò, vel rhedà, & postea utrumque desit, non teneris ire pedibus.

Si verò modus, aut circumstantia sit solum possibilis, res autem principalis impossibilis cessat obligatio voti, quia non suit intentio se obligandi, nisi dependenter à

principali.

Cæterum si impossibilitas, aut impedimentum non sit perpetuum, eo postea sublato, votum impleri debet. Nam tuncsolum suspenditur ejus obligatio; si verò sit perpetuum, cessat omnino obligatio voti, nec vovens tenetur in aliud commutare, nisi hoc vovisset.

## Q 8. Quenam vota, & à quibus irritari possunt?

Not. Irritatio voti est ablatio ejus obligationis, sacta nomine proprio ab eo, cuius potestati subjecta est voluntas voventis, vel materia voti. Duplex est, alia directa, que directe cadit in votum, esticit que, ut votum sit nullum desectu conditionis ad illud requisite, scilicet consensus ejus,

ejus, cui voluntas voventis subjecta est: alia indirecta, quæ cadit duntaxat in materiam voti, seu quæ sit tantum ratione materiæ alteri subjectæ, remanente voto.

r

d

Resp. I. Vota omnia corum, quorum voluntas subjecta est potestati dominativæ alterius, possunt ab eo directe irritari, nec postea reviviscunt. Ita commun. Quia tales ita dependent ab alio, ut fine ejus injuria non possint de seipsis disponere contra ejus voluntatem, ac proinde eorum vota tacitam, ac imbibitam habent hanc conditionem: si Superior non contradixerit. Nam nemo potest vovere contra jura alterius. Quare Superiore nolente voluntatem subditi obligari, cessabit obligatio ob defectum conditionis: quamdiu tamen non irritatur votum, servari debet; quia licet non sit firmum, est tamen validum, donec Superior contradicat, ex c. Monacho. 20. 9. 4. ubi votum à Religiolo fine consensu Superioris factum dicitur folum frangendum, hoc est, irritandum: ergo supponitur validum: quare in hujusmodi votis non includitur conditio affirmativa, si Superior consenserit; sed negativa, dum Superior contradixerit, ut notat Sanchez.

Hinc ex communi 1. omnia vota impuberum, etiam implenda tempore pubertatis, possunt directè irritari à patre, vel in ejus defectum ab avo paterno, aut tutore, ut qui vices patris gerit, non tamen à ma-

tre: nisi sit tutrix. Ratio est dispositio Juris Canonici, quod votis impuberum ob horum judicii imbellicitatem apposuit hanc tacitam conditionem; nisi pater, veltutor contradixerit. c. puella, 20. q. 2. Multi do. cent eadem vota impuberum à patre irritari posse tempore pubertatis; quia vota illa per tractum temporis non amiserunt hanc suam conditionem: nist pater contradixerit; sed semper manent subjecta patri: idque expedit ad subveniendum indiscretioni liberorum. Sed juxta varios id jam non potest tutor; quia eo ipso, quòd pupillus fit pubes, tutor fit curator, cui per-Iona pupilli, seu minoris non committitur ficut tutori: at pater semper manet pater. Suarez. Reginald. Limita, modò liberi in pubertate talia vota non ratificaverint, scientes non fuisse firma; nam hæc ratificatio est nova voti emissio.

2. Superiores Religiosorum possunt directe irritare omnia vota suorum subditorum, exceptis votis, quæ ex instituto religionis siunt, & voto strictioris Religionis. Constat ex communi Doctorum sensu, & usu in Religionibus recepto, & ex c.
Menasho cit. & ex S. Thom. 2. 2. 9. 88.
a. 8. ad 3. Idque vel ex natura Statûs Religiosi, & voti obedientiæ, per quod Religiosi abdicarunt jus omne disponendi de
seipsis, & cuncta in Superiorum potestatem
transtulère: vel ex dispositione Ecclesiæ

per usum statura, quæ sicut in votis impuberum, ita in votis Religiosorum hanc tacitam conditionem inesse voluit: superior non contradicat. Ut scilicet melius religiosi in via spirituali à suis Superioribus dirigerentur. Potest quoque valide Prælatus fecundûm communem sententiam irritare votum subditi à se, vel à prædecessore æquali, aut inferiore approbatum. Quia per istam approbationem, seu licentiam non amisit jus Superioris, quo inferiorum voluntates sibi habet persecte subjectas ad corum rectam gubernationem: nec ideo suam potestatem à se abdicavit. Sed hoc non videtur omnibus certum. Fatentur autem omnes, talem peccaturum, si sine causa consensum revocet, quia abutitur sua potestate contra bonum subditi, &. impedie majus Dei obsequium. Novitiorum verò vota non possunt directè irritari, cùm sint, adhuc sui juris; sed solum potest suspendi executio votorum personalium, quatenus impediunt observantiam regularem, & sorum rectam gubernationem: ita ut si egrediantur religione, statim reviviscat eorum obligatio. Porro Religiosi & quivis subditi dominativæ alterius potestati, ex communi sententia licitè, ac meritoriè ea omnia bona opera vovent, quæ nec Regulà, nec Superiorum præcepto eis interdicta sunt, nec eos à debito illorum obsequio retrahunt; & talia vota statim obligant, non expectato Superiorum confensu, donec ipsi contradicant; quia cum ea materia sit bona, nec interdicta, estapta voto emittendo, & quamdiu non interdici-

tur, est in voventium potestate.

Resp. II. Vota, quorum materia est alteri tubjecta, possunt ab eo indirecte irritari, seu potest eorum executio, & obligatio suspendi, etsi ante subjectionem sacta suerint, ex c. noluit. 33. q. 5. Quia nemo potest, & censetur promittere aliquid in damnum, seu præjudicium etiam suturum aliorum: & executio talis voti hoc ipso sit illicita, quòd alter potestatem habens in rem, vel actionem promissam, contradicat; nam nunquam licet jus alterius violare.

Hinc secundum communem sententiam 1. Irritari à patre possunt, indirecte, & ratione materiæ, vota puberum, quæ obsunt disciplina, & convenienti gubernationi familiæ, in qua pater habet jus regendi filium, donec emancipetur. Sie potest suspendere obligationem voti perpetuò abstinendi à carnibus. At nil potest circa vota puberum, quæ nullatenus ejus potestati officiunt, ut lunt certæ preces, consueta pietatis officia, votum Castitatis, Religionis, &c. nam pubes, in ordine ad obsequium divinum, habet jus disponendi de se, & suis actionibus personalibus, qua non adverlantur rectæ gubernationi familix.

2. Ma-

t

2. Maritus potest irritare indirecte vota uxoris, quæ officiunt usui matrimonii, prolis educationi, & gubernationi familiæ, ut sunt vota peregrinandi, sæpius jejunandi, &c. quia juri mariti obsunt : non autem vota de certis precibus, aut continentia post ejus mortem servanda; nec enim maritus potest prohibere uxori omnia opera consilii, cum omnia juri ejus non officiant, & subjectio uxoris ad virum oriatur solum ex matrimonii vinculo, sitque ei commensurata. Uxor vicissim potest sie irritare vota mariti, quæ obsunt vitæ sociali, & moderatæ debiti redditioni, cum ad hæc jus habeat. Possunt tamen ambo ex communi consensu continentiam vovere, & tunc neutri debitum petere, aut petenti reddere licebit, cum juri suo cesserint.

3. Herus potest suspendere executionem votorum samuli, & ancillæ, quatenus solum impediunt, vel imminuunt obsequium sibi debitum, cum alia ejus juri non offici-

ant

Observa. Vota directe irritata nunquam reviviscunt, quia Superior, eis contradicendo efficit, ut sint nulla, desectu conditionis requisitæ; cum inferior non possit valide vovere nisi sub hac conditione tacita: si pater, vel Superior non contradicerit. At vota indirecte irritata suspenduntur solum, quamdiu materia est subjecta alteri, & reviviscunt, ac obligant, quando

desinit ei subesse; quia votum erat validum absolute, & ob solam materiæ subjectionem suspensum erat, & ejus executio

jam est licita, cum nulli obsit.

Hinc vota conjugum, puberum, & famulorum perpetua, quæ tempore subjectionis vel ante emissa, suspensa fuerunt, eos obligant cum eorum materia desinit subjici alterius potestati. Unde uxori, quæ sine consensu mariti continentiam vovit, non licet nubere post ejus mortem.

Resp. III. Qui vota irritandi potestatem habent, illa validè irritant, etiam sine justa causa; quia ad validum usum juris sui non requiritur causa. Peccant tamen, si sine causa faciant, cum sit abusus potestatis contra bonum proximi, & honorem

Dei.

## Q. 9. Quinam possunt dispensare in Vo. tis, & Juramentis?

Resp. I. Prælatos Ecclesiæ habere potestatem dispensandi in votis, & Juramentis.
Constat. 1. ex Mat. 16. Tibi dabo Claves
Regni Cæsorum... & quodcunque solveris
super terram, erit solutum & in Cæsis. & c.
18. quacunque solveritis super terram,
erunt soluta, & in Cæso. Quæ verba, utpote generalia, intelligi debent de omni
vinculo voluntariè contracto ab homine
erga Deum. 2. Ex perpetuo Ecclesiæ usu.
2. Quis

# DE VIRTUTE RELIGIONIS. 577 3. Quia ad commune bonum fidelium expedit, imò necessaria est hæc potestas. Dispensario autem voti est absoluta condonatio rei Deo promissa, facta nomine.

Dispensatio autem voti est absoluta condonatio rei Deo promissa, facta nomine,
& vice Dei à Superiore tanquam ejus Vicario: qui tamen tunc non dispensat in Lege divina servandi votum; nam obligationem servandi votum non relaxat tum, cùm
ipsa viget: sed solum ipsam promissionem,
seu rem promissam remittit nomine, ac vice
Dei, & tanquam ejus œconomus; Lexautem divina non obligat ad servandam promissionem Deo sactam, cui Deus per suum

Vicarium cessit.

0

n

11

fi

n

S

1

Resp. II. Potestas ordinaria dispensandi in votis, & juramentis competit solis Prælatis habentibus jurisdictionem in foro externo; nam hæc potestas ad externam Ecclesiæ gubernationem pertinet, sicut potestas serendi leges, & censuras: unde non est ordinis, sed jurisdictionis. Hinc eam habent 1. Papa erga omnes sideles in omnibus votis. 2. Episcopi erga suos subditos in votis Papæ non reservatis; nam hæc potestas est necessaria ad regimen Episcopale. Item habentes jurisdictionem quasi Episcopalem, eam dispensandi potestatem habent ut ordinem. Potestatem verò delegatam habent, qui ab iis accepère.

Vota autem Papæ reservata, præter solemnia, sunt quinque, scilicet castitatis perpetuæ, ingrediendi Religionem approba-

Tom, I.

00

tam,

578 TRACTATUS

tam, & peregrinationis in Jerusalem, ad Limina Apostolorum, & ad S. Jacobum in Extravag. etsi Dominici Compostélla. de poenie. Quæ tamen si conditionata, vel poenalia fuerint, dicit Toletus pertinere ad

Episcopum.

Resp III. Ex communi, ad valorem dispensacionis requiritur etiam justa causa; quia Deus non dedit hominibus potestatem relaxandi sine causa vota, & juramenta sibi facta; cum talis remissio sit irrationabilis, & honori Dei, ac bono animarum obsit. Nec Prælati sunt Domini jurium Dei, sed solum ejus œconomi: at œconomus nil potest circa bona, & jura Domini nisi secundum ejus voluntatem rationabiliter præsumptam. In dubio tamen de sufficientia causæ, potest subditus stare judicio Prælati dispensantis, vel commutantis. Ita S. Thom. 2. 2. q. 88. a. 12. ad 2.

Hinc, dispensans in voto gravi sine justa caula, peccat mortaliter; quia in re gravi ad Religionem pertinente arrogat sibi potestatem, quam non habet, & peccat contra fidelitatem ex munere debitam. Justa autem causæ dispensandi hæ recensentur: Honor Dei, utilitas Ecclesiæ, commune bonum reip, spiritualis utilitas voventis, periculum morale sæpe violandi votum ex fragilitate, levitas mentis, ex qua votum factum est, perturbatio animi, notabilis difficultas superveniens executioni voti, aliaque

que id genus, quæ generatim revocari posfunt ad pietatem, utilitatem spiritualem, & necessitatem. Quanquam ex his aliquæ videantur solum sufficere ad votum commutandum; nam longè gravior requiritur causa ad dispensandum, quam ad commutandum, & rarò utendum est pura dispensatione; sed admiscenda est aliqua commutatio.

Q. 10. Quinam possunt commutare woth?

Not. Commutare votum est mutare materiam voti in aliam sub cadem obligatione.

Resp. I. Quisque potest privata auctoritate, & fine alia causa commutare votum suum in id, quod evidenter melius est, & aliunde non præceptum; modò id Ecclesia non prohibuerit. Est saltem communier sententia. Quia 1. ex cap. 3. de Jurejur. non promissum infringit, qui in melius illud commutat. 2. Debitum rei minus bonæ abunde, & perfectius folvitur Deo in re meliore, que semper est Deo gratior, & in qua etiam res promissa continetur virtualiter, saltem quoad finem voti, qui est rem gratam Deo facere. 3. Deus semper acceptum habet obsequium majus ei delatum loco minoris; cum magis velit à nobis fieri id, quod melius est, & ei 00 2

gratius. Hinc potest votum recitandi Septem Psalmos commutare in votum audiendi Sacrum. Multi excipiunt vota Papæreservata, quæ sine ejus auctoritate commutari nequeunt, eoquod talem Commutationem sibi propriam reservarit, niss in statum Religionis commutentur.

Suarez, Sanchez, Layman, &c.

Porro melius hîc censetur id, quod, spectatis omnibus, est Deo gratius: tale autem non est semper id, quod secundum se, & ex genere suo præstantius est, sed quod saluti, voventis magis expedit, cupiditates efficacius coercet, & voluntatem Deoperfectius subjicit. Hinc licet oratio sit absolute melior jejunio, non licet tamen propria auctoritate hoc in illam commutare; quia hîc & nunc potest jejunium esse Deo gratius, utpote utilius ad bonum spirituale hujus hominis. In dubio, an opus sit melius, requiritur auctoritas Prælati, c. 1. De voto. & de hoc omnes consentiunt, tefte Azor.

Resp. II. Ex communi, votum non potest valide commutari privata auctoritate in opus minus bonum; quia tunc intercedit partialis dispensatio, quæ necessario requirit potestatem Ecclesiasticam; tunc enim tota res promissa non redditur æquivalenter.

Imò requiritur potestas Superioris ad commutationem voti in æquale. Est sal-

non dicunt, sufficere auctoritatem privatam, nisi ad commutandum in evidenter melius, ex c. 1. De voto. Tum quia talis Commutatio requirit permissionem nomine Dei sactam, ut res una solvatur pro alia aquali, ac proinde auctoritatem Pralati, vicem Dei gerentis; nam res in specie suit promissa ac debita: ergo alia non melior solvi nequit, sine consensu creditoris, scilicet Dei. Arg. ex l. 2. st. de Rebus credit. ibi: Aliud pro alio invito creditore solvi non potest.

R-sp. III. Ex communi, non solum ad licitam, sed etiam ad validam commutationem in minus bonum, præter auctoritatem, requiritur justa causa; quia in illa admiscetur aliqua dispensatio, qua condonatur aliquid, quod ex voto debetur Deo. Requiritur etiam aliqua causa, sed minor ad commutationem validam in æquale; quia Deus non concedit, ut solutio rei sibili debitæ siat sine causa inre alia non meliore: & sidelitas Deo debita exigit, rem promissam solvi, nisi adsit justa causa rem aliam æqualem dandi, vel nisi detur melior. Ita

Ad hoc tamen juxta multos sufficit major devotio ad illud æquale præstandum;
nam non requiritur adeò gravis causa, cùm
non siat relaxatio, sed mera translatio obligationis. Si tamen Superior bona side

Oo 3 pro-

**医胆 祖 亚 田 题**家

e

0

-

1-

)m

0

1 個 個 美 明 和 書 書 書 書

processerit, putans, esse causam justam, licht talis non sit, juxta multos valet commutatio; quia bona sides Superioris est pro causa, cum Deus non sit in hoc rigidior exactor.

Resp. IV. Ex communiore sententia, quicumque habet potestatem dispensandi, etiam solum delegatam, habet etiam potestatem commutandi. Tum quia qui potest plus, potest & minus in codem genere, ex Reg. 53. Fur. in 6. Tum quia qui potest remittere absolute totum debitum, a fortiori potest illud remittere sub conditione dandi aliud. Cui autem solum concessa est potestas commutandi, is non habet potestatem dispensandi; quia hac major est, nec continetur in alia.

Imò non potest commutare nisi in æquale; nam vox, & natura Commutationis æqualem subrogationem importat, & Commutatio in minus continet aliquam dispensationem admixtam. It a S. Carol. in Instruct. Confess. & est communissina.

Observa 1. Peregrinationes rectè commutantur in jejunia, largas eleemosynas, crebram Consessionem, & Eucharistiæ sumptionem; quia plerumque hæc sunt magis salutaria, & Deo gratiora. 2. Juxta multos ei, cujus votum commutatum est, licet ad prius redire. Tum quia commutatio sacta est in ejus savorem, cui proinde renuntiare potest: tum quia videtur solum facta

医阻阻原阻阻

facta sub conditione: si nolit prius votum implere. Excipit Reginaldus si commutatio facta sit in melius, & acceptata à vovente, eoquod acceptatio talis commutationis vim habeat novi voti, quo acceptans obligavit se ad reddendum Deo aliquid melius, qu'am antea voverat. Unde implere prius, esset commutare votum ex meliori in minus bonum, quod non licet privata auctoritate, & sine justa causa. 3. Si opus subrogatum fiat impossibile, vel indifferens, juxta multos vovens non tenetur implere prius, etiamsi possit; quia hujus obligatio per Commutationem extincta est: obligatio autem extincta, præsertim quæ propria voluntate suspecta est, non reviviscit, nisi propria voluntate iterum assumatur. Sed num dici potest commutatio facta fuisse lub hac tacita conditione, ut tunc priùs impleatur, si moraliter possit impleri?

## CAPUT IV.

De Juramento.

Q. 1. QUid est Juramentum?

Resp. Est attestatio Dei, seu invocatio Dei in testimonium. Unde jurare est Deum invocare, seu assumere in testem, non quidem, ut hic & nunc veritatem aliquo miraculo testetur, hoc enim esset tentare Oo 4 De-